

UGOVOR

ZA NABAVKU I ISPORUKU KOMPJUTERSKOG MATERIJALA – TONERI, CD-ovi, USB-ovi ZA 2017.GODINU

Zaključen dana, **28. 12.** 2017.godine u Sarajevu između ugovornih :

Federalno ministarstvo okoliša i turizma, ulica Marka Marulića 2, koje zastupa Ministrica Edita Đapo, u daljem tekstu ovog Ugovora, u daljem tekstu „Ugovorni organ“ ID broj:4201099470003 i

„**Franex Trade**“ doo Sarajevo, ulica Vilsonovo šetalište broj 9., koga zastupa direktor Dragan Jerković, u daljem tekstu Ugovora „Dobavljač“, PDV broj: 200024170008.

I. OPĆE ODREDBE

Član 1.

Na osnovu zakona o javnim nabavkama Bosne i Hercegovine („Službeni glasnik BiH“, broj:39/14 od 19.4.2014.godine), proveden je postupak nabavke po konkurentskom zahtjevu za dostavljanje ponuda broj: 08/2-14-14-640/17. Obavještenje o javnoj nabavci objavljeno na Portalu javnih nabavki broj: 504-7-1-37-3-12/17, dana 14.11.2017.godine.

II. PREDMET UGOVORA

Član 2.

Predmet ovog ugovora je nabavka i isporuka kompjuterskog materijala – toneri, cd-ovi, usb-ovi, u svemu prema zahtjevima Ugovornog organa iz konkurentskog zahtjeva za dostavljanje ponuda, broj: 08/2-14-14-640/17 i ponude dobavljača, broj: 2911/17, koja je prilog i sastavni dio ovog ugovora.

III. OBIM POSLA

Član 3.

Nabavka i isporuka kompjuterskog materijala – toneri, cd-ovi, usb-ovi, iz člana 2.ovog Ugovora. Ponuđač će robu isporučivati sukcesivno u toku trajanja ugovora od dana potpisivanja Ugovora prema količinama iz Obrazca za cijenu ponude nabavke kompjuterskog materijala – toneri, cd-ovi, usb-ovi, sadržane u tenderskoj dokumentaciji. Isporuka i preuzimanje će se vršiti na sljedeći način:

- a) Dobavljač prilikom prodaje robe sastavlja pisani dokument o izlazu robe, preuzimanju robe, koji sadrži: naziv robe, količinu, cijenu, obračunati popust, datum i potpis ovlaštenog lica dobavljača,
- b) Ugovorni organ ili njegov ovlašteni predstavnik obavlja kvantitativni i kvalitativni prijem robe na mjestu isporuke robe (adresa Ugovornog organa), te je obavezan da odmah stavi primjedbe i reklamaciju na nedostatke isporučene robe, inače gubi pravo da kasnije stavlja prigovore.

IV. CIJENA

Član 4.

Vrijednost ugovora iznosi 9.766,34 KM (slovima: devethiljadasedamstotinašesdesetšestkonvertibilnihmaraka i 34/100 KM) sa uključenim PDV-om do 28.12.2018. godine.

Jedinične cijene nabavke i isporuke kompjuterskog materijala – toneri, cd-ovi, usb-ovi, iz člana 2.ovog ugovora Dobavljač će obračunati po obrascu tender dokumentacije, te na isti obračunavati ugovoreni popust.

Cijene tokom trajanja ugovora su nepromjenjive.

V. PERIOD TRAJANJA

Član 5.

Ovaj ugovor se primjenjuje od dana potpisivanja i traje do 1 (slovima: jednu) godinu od 28.12.2017. do 28.12.2018. godine.

VI. NAČIN PLAĆANJA

Član 6.

Dobavljač će fakturisanje vršiti odmah po isporuci robe – kompjuterskog materijala u skladu sa količinama iz tenderske dokumentacije, Ugovorni organ će plaćanje izvršiti u roku od 30 (slovima: trideset) dana od dana prijema uredne fakture i potpisane otpremnice o kvantativnom i kvalitativnom isporuci robe – kompjuterskog materijala na adresu Ugovornog organa od strane Dobavljača na transakcijski račun dobavljača predmetne robe.

VII. OBAVEZE DOBAVLJAČA

Član 7.

Dobavljač se ovim ugovorom obavezuje Ugovornom organu izvršiti nabavku i isporuku kompjuterskog materijala – toneri, cd-ovi, usb-ovi, po cijenama iz tender dokumentacije koje su nepromjenjive.

Ugovor se zaključuje na određeno vrijeme, do 28.12.2017. godine, odnosno do isteka vrijednosti ugovora 8.347,30 KM bez PDV- ea, a što sa PDV-eom i sa uračunatim rabatom u iznosu 0,00 KM, iznosi 9.766,34 KM.

VIII. OBAVEZE UGOVORNOG ORGANA

Član 8.

Da izvrši plaćanje u roku od 30 (slovima: trideset) dana od dana prijema uredne fakture i potpisane otpremnice o kvantitativnom i kvalitativnom prijemu izvršene nabavke i isporuke količina robe iz predmetne nabavke, od strane Dobavljača.

Da plaćanje robe po ugovoru vrši u KM, putem Trezora Federacije Bosne i Hercegovine, a u skladu sa propisima o trezorskom poslovanju.

Da dostavi pismeno obavještenje o svakom navedenom propustu Dobavljača robe po Ugovoru i utvrdi razuman rok za ispravku propusta Dobavljača robe u smislu izvršene nabavke.

IX. RASKID UGOVORA I NAKNADA ŠTETE

Član 9.

Ugovorne strane su suglasne da svaka strana može tražiti raskid ugovora samo u slučaju da suprotna strana ne ispunjava ugovorene obaveze.

Ugovorne strane mogu otkazati Ugovor jednostrano ili sporazumno, uz naznaku dana kada ugovor prestaje, u pisanoj formi.

X ZAVRŠNE ODREDBE

Član 10.

- Ovaj Ugovor stupa na snagu danom Potpisivanja Ugovornih strane.
- Sve nastale sporove Ugovorne strane će riješiti sporazumno, a ako to nije moguće spor će biti riješen pred Općinskim sudom u Sarajevu,
- Ovaj Ugovor je sačinjen u 4 (slovima: četiri) primjerka od kojih svaka Ugovorna strana zadržava po 2 (slovima: dva) primjerka,
- Sastavni dio ovog Ugovora su Obrazac za cijenu ponude Dobavljača.

ZA DOBAVLJAČA

ZA UGOVORNI ORGAN

Federalno ministarstvo okoliša i turizma

DIREKTOR

MINISTRICA

Dragan Jerković

dr. Edita Đapo

(ime i prezime)

(ime i prezime)

(Potpis i pečat)

(Potpis i pečat)

Broj Ugovora: 01-08/2017
Sarajevo; 28.12.2017.

Broj Ugovora: 08/2-14-14-640/17
Sarajevo; 28.12.2017 godine